

Ўзбекистон Республикаси Президентининг
ҚАРОРИ

**2011 йил 5 март ШАНБА ДАМ ОЛИШ КУНИНИ 2011
ЙИЛ 7 март ДУШАНБАГА КЎЧИРИШ ТЎҒРИСИДА**

Халқаро хотин-қизлар куни муносабати билан ҳамда аҳолининг дам оли-
ши учун қулай шарт-шароитлар яратиш ва иш вақтидан оқилона фойдала-
ниш мақсадида:

2011 йил 5 март шанба дам олиш куни 2011 йил 7 март душанбага
кўчирилсин;

2011 йил 5 март шанба куни иш куни деб эълон қилинсин.

Ўзбекистон Республикаси
Президенти

И. КАРИМОВ

Тошкент шаҳри,
2011 йил 28 февраль



Усталарнинг
устози

2

“Илмга
ошно
бўлганинг
замон...”



5



Кўрикдан
ҳаққоний
ўтмоқчи эдик...

8

БУ МУҚАДДАС ВАТАНДА АЗИЗДИР ИНСОН



Ўзбекистон Бадий академияси кўргазмалар залида 22–24 февраль кунлари Республика савдо-саноат палатаси, Олий ва ўрта-махсус таълим вазирлиги, Фонд Форум, “SSP-Expo-contact” МЧЖ, “Келажак овози” ёшлар ташаббуслари маркази ва “Қамолот” ёшлар ижтимоий ҳаракати ҳамкорлигида “Таълим ва касбий фаолият–2011” VI халқаро кўргазмаси ўтказилди. Республикаимизнинг етакчи таълим муассасалари ҳамда ўттизга яқин хорижий олий ўқув юртлари иштирок этган ушбу тадбирда “Кичик бизнес ва хусусий тадбиркорлик йили” муносабати билан “Менинг бизнес ғоям”, “Энг яхши инновацион ғоя” тақдимотлари ҳам бўлиб ўтди. Кўргазма якунида 1-ўринга “Ифбатли келин” ўқув маркази лойиқ кўри-
либ, диплом ва қимматбаҳо совғалар топширилди. Кетма-кет иккинчи марта бундай голибликка эришиш ўқув маркази жамоасини янги-янги муваффақиятлар сари руҳлантирди.

4

Ушбу сонда:

Ҳадемай оила қурасиз.....	2	«Ёшлик» формуласи	6
Қаҳрамон она мадҳи	3	Тухматга ундаган хиёнат	7
Савоб излаган одам	3	Ўзбек нима дейди?	7
Тарғиботнинг тарбияси	5	Муомалага лаёқатсиз шахс	
Бизга яхши оналар керак! Оталар-чи?	6	шартнома имзоласа	8
		Эрматов Саудия Арабистонида!	8



“ОБУНА —
2011”

Якка
обуначиларга — 176,
Ташкилотларга — 177

2011 — КИЧИК БИЗНЕС ВА ХУСУСИЙ ТАДБИРКОРЛИК ЙИЛИ

Усталарнинг устози

Таниқли ўймакор наққош уста, Ўзбекистон Бадий академияси аъзоси, бир сўз билан айтганда, ўзига хос хунармандчилик мактабини яратган Мухаммадали Юнусов бу нозик ва мураккаб соҳада қирқ йилдан буён самарали фаолият кўрсатиб келаётир. Фарғоналик кексаларнинг айтишларича, устанинг отаси, раҳматли Юсуфжон ота ҳам водийда довруқ қозонган уста бўлган экан. Отанинг ёнида юриб кўзи пишган Мухаммадали 15 ёшида мустақил иш бошлагани ҳақида у кишининг ўзи жўшиб сўзлайди:

— Хунармандчилик айримлар ўйлаганидай осон касб эмас. Унинг машаққатларига бардош бера олган кишигина уста деган номни оқлаши мумкин. Бир замонлар «ўзинг учун ўл етим» деганларидек, ҳеч ким ҳолинг не, қандай кўмак керак, деб сўрамасди. Ҳозир-чи, қаранг, хунармандларга қанча юксак эътибор... Қолаверса, Президентимиз, ҳукуматимиз бизга жуда катта имтиёз ва имкониятлар яратиб қўйибди. Бундай шарт-шароитлар қайси бир давлатда бор, айтинг? Фақат ҳалол пешона тери билан ишласангиз, марра сизники. Ишлайдиган, мазза қилиб яшайдиган замон келди...

Мухаммадали Юнусовнинг 85 ёшли онаси икки ўғил, бир қизни ўстириб, ўйли-жойли қилган, 11 та не-вара, 12 чеварани севимли бувижониси Марҳамат ая эса шундай ҳикоя қилади:

— Раҳматли умр йўлдошим Юсуфжон уста туманимизда ном қозонган эдилар. У пайтларда биласиз, ўйлар синчли-пахсалик бўларди. Иморотларни қуриш усталарсиз битмас эди. Эшик-ром, дераза, дарвоза ва бошқа ёғочозликка оид кўплаб ишларни усталар бажарарди. Ака-ука Мухаммадали ва Имомалилар ҳам оталари изидан кетди. Улар сулоламининг бешинчи авлоди саналади. Бугунги кунда неварам Муроджон Фарғонадаги институтни қурилиш соҳаси бўйича тугатиб, ҳозир амакиси Имомали билан биргаликда мактаб устахонасини бошқармоқда. Бошқа невараларим Ақромжон ва Нодиржонлар 6-эвараларим Шукрулло, Ҳамидулло, Бехзод, Абдуқодир, Алихонлар эса сулоламининг 7-авлод вакиллари сифатида ҳам ўймакорликнинг сир-асрорларини ўрганишяпти.



қарашли Эски қишлоқда чойхона, 1991-1998 йилларда Жиззах вилоятининг Зарбдор туманида "Ипак йўли" чойхона мажмуаси, Галлаорол туманидаги жомеъ масжидининг айвон, гумбази, дарвозаси, 1998 йилда Самарқанддаги машҳур муҳаддис Ал-Бухорий ҳазратлари мажмуасидаги ўймакорликка оид ишларни бажарган. 2006 йилда пойтахтдаги Алишер Навоий номи Миллий боғда, 2008 йилда эса "Шахидлар хотираси" мажмуаси ва бошқа қатор тарихий жойларни обод этишда шохтўралик жонқуяр шоғирдлари билан биргаликда фаоллик кўрсатган.

Халқимизнинг азалий анъаналаридан бири устоз-шоғирдлик қоидаларига қатъий амал қилиб келаётган Ўзбекистон халқ устаси Мухаммадали Юнусовнинг тахминий ҳисоб-китобига кўра, унинг шу кунгача тайёрлаб, катта ҳаётга учирма қилган шоғирдлари сони 500 нафардан ошибди. "Насиб этса, Кичик бизнес ва хусусий тадбиркорлик йилида 40 нафар шоғирдларим ёнига қўшимча яна 20 нафар ёшларга касбим сирларини ўргатиб, усталикка йўлланма беришни ният қилганман", — дейди қахрамонининг фахр билан.

Тургунбек МАХКАМЗОДА,
Фарғона вилояти.



Миллийликка зеб берган «Зебо»

Салкам ўттиз йилдан буён маиший хизмат соҳасида фаолият кўрсатиб келаётган Файзинисо Шукуровани каттакўрғонликлар эл назарига тушган ташаббускор раҳбар ва тадбиркор аёл сифатида алоҳида эътироф этишди. Бундан ўн икки йил аввал битта бинони хусусийлаштириб иш бошлаган бу аёл раҳбарлик қилаётган "Зебо" хусусий маиший хизмат кўрсатиш корхонаси аъзолари томонидан тайёрланаётган махсулотлар, кўрсатилаётган турли маиший хизматлар аллақачон тилга тушди. Шунинг учун ҳам марказ ҳамisha буюртмачилар билан гавжум.

— Дастлаб "Микрокредитбанк"дан олинган икки ярим миллион сўм эвазига корхона учун ажратилган бино томини таъмирладик, — дейди Файзинисо опа биз билан суҳбатда. — 2006 йил яна шу банкдан 5 миллион сўм кредит олиб, 10 та тикув машинаси харид қилдик ва қўшимча иш ўринлари яратдик. 2008 йилда эса 9 миллион сўмлик кредит эвазига корхонани юмшоқ ва қаттиқ мебеллар, иш жиҳозлари билан таъминладик. Айти пайтда шахримиз аҳолиси ва меҳмонларига эркаклар сартарошлиги, аёллар ва эркаклар устки кийим-кечакларини тикиш, уй-

рўзгор жиҳозлари ва пойабзалларни таъмирлашдан тортиб, компьютер, замонавий технологиялар ҳамда уяли телефонларни солаш бўйича ҳам хизмат кўрсатяпмиз. Корхонамизда 40 нафар мутахассис ишчилардан ташқари бешта касаначи ҳам ўз касбининг устаси сифатида фаолият кўрсатмоқда.

Айниқса, "Зебо" корхонаси чеварлари тикаётган миллий ва замонавий либослар хариддорларга манзур бўлиб, кун сайин уларга талаб ортиб бормоқда.

— Ўтган йили Каттакўрғон транспорт ва сервис коллежини тугатиб, шу корхо-

нага ишга киргандим, — дейди бу қўли гул тикувчилардан бири Фазилат Меҳриева. — Аслида чеварчилик менга момомерос касб. Манбаларда ёзилишича, қадим-қадимдан Каттакўрғон безакдор тўнлар, дўппилар, кийим-кечаклари

билан машҳур бўлган. Шунинг учун ҳам устозим Сайёра опа Хўжаевдан тикувчиликнинг нозик сирларини ўрганаётганим, тинимсиз изланаётганим туфайли тиккан либосларим хариддорларга маъқул бўлмоқда.

Дарҳақиқат, Файзинисо опа ўзининг ҳалол меҳнати билан жамоатчилик орасида обрў топган изланувчан, ташаббускор аёллардан. Аслида ҳам инсоннинг ҳар қандай хайрли амали унинг маънавий дунёсининг бойлиги, тафаккур доирасининг кенглиги билан ўлчанади. Қахрамонимиз ўтган йили Ўзбекистон Хотин-қизлар қўмитаси ҳамда "Аёллар кенгаши" Республика жамоат бирлашмаси томонидан ташкил этилган "Йил аёли" миллий танловининг вилоят босқичида ғолиб дея эътироф этилди. Опанинг танловдаги иштирокини кузатар эканман, уй-рўзгор ишларини моҳирона бажариш билан бир қаторда фарзандларига, ўз маънавий камолоти, билим олиши ва маънавий-маърифий даражасини оширишга вақт ажрата оладиган, интеллектуал салоҳиятли аёл эканлигига амин бўлдим. Шаҳарнинг Навбахор маҳалласида истиқомат қилаётган Файзинисо опа турмуш ўртоғи Мухаммади ака Очиллов билан икки ўғил, бир қизни тарбиялаб воёга етказишди, эл-юртга қўшишди. Бир-биридан ширин неваралар олинанинг овуноғи. Файзинисо опа суҳбат орасида бугунги ёруғ, дориломон кунларга шукроналар айтarkan, яна ўзининг севимли ишларига андармон бўлиб кетаверади.

Хошимжон ОРЗИҚУЛОВ,
"Оила ва жамият" муҳбири,
Самарқанд вилояти.



ШУ СОНГА ХАБАРЛАР

Никоҳланувчиларга қўлланма

Бу дунёда ким фарзандининг тўйини кўришни орзу-хавас қилмайди дейсиз. Биз қизимизни турмушга узатиш ёки ўғлимизни уйлантириш учун улар туғилганидан бошлаб тараддудга тушамиз. Яхши ниятлар қиламиз, сеп йўғамиз, йиллаб топган тутганимизни эса бир кунлик тўйга сарфлаймиз. Энг муҳими, ёшлар бахтли бўлишсин, деймиз.

Аммо афсуски, баъзида, орзулар ортидан югуриб, уларни бахтсиз қилиб қўяётганимизни билмаймиз. Балки шунинг учун ҳам кейинги пайтларда оилавий ажрим ҳолатларининг кўпчилигини турмуш қурганларига уч-тўрт ой, нари борса икки-уч йилгина бўлган ёш оилалар ташкил этаётгани ачинарли ҳолдир. Хўш, нега шундай бўлаяпти? Нима сабабдан ХХI асрнинг ҳар соҳада илгор ёшлари турмуш қуришдек қадимий эволюцияни бошидан ўтказишга келганда оживланиб қолаяпти? Бу каби саволларга жуда кўплаб жавоб ва мулоҳазалар бордир, аммо барибир, ёш оилаларнинг ажрим ҳолатларига асосан кўпчилик йигит-қизларнинг бу жараёнга психологик жиҳатдан етарлича тайёр эмаслиги кўпроқ сабаб бўлаётгани сезилмоқда.

Адлия вазирлигида "Оила" илмий-амалий маркази, Тошкент давлат юридик институти билан ҳамкорликда тайёрланган "Никоҳланувчиларга ҳуқуқий психологик қўлланма" китобининг тақдимот маросимида ҳам айнан ана шундай жиҳдий мавзуларга оид фикр-мулоҳазалар билдирилди.

Унда Олий Мажлис Қонунчилик палатаси депутатлари, Хотин-қизлар қўмитаси, Адлия вазирлиги, ҳуқуқий муҳофиза қилиш идоралари вакиллари, Тошкент шаҳар ва Тошкент вилояти ФХД бўлимлари мудири ҳамда ҳуқуқшунос олимлар, талабалар иштирок этишди. Тадбирда сўзга чиққанлар мазкур китоб никоҳланувчи шахслар учун муҳим услубий қўлланма сифатида хизмат қилишини алоҳида таъкидлаб ўтишди.

Ўз муҳбиримиз.

Тадбиркор қизлар беллашуви

Ҳар соҳада тадбирли ва ташаббускор бўлиш давр талаби. Қолаверса, жорий йилимизнинг "Кичик бизнес ва хусусий тадбиркорлик йили" деб номланишида ҳам чуқур ҳикмат бор.



Яқинда Тошкент шаҳар "Тадбиркорлар ва ишбилармон аёллар" жамоат бирлашмаси, Тошкент шаҳар "Қамолот" ЕИХ, "Ўзбегим ёшлари" ансамбли ва бошқа ҳамкор ташкилотлар ташаббуси билан тадбиркор ёшлар иштирокида кўрик-танлов ўтказилди.

Турли соҳалар ривожига ҳисса қўшиш мақсадида таҳсил олаётган ва меҳнат қилаётган етти нафар қиз спортнинг боулинг тури, касбга муҳаббат, кийиниш одоби, пазандалик, бизнес режаси ишлаб чиқиш, миллий ахлоқ анъаналари, ижодий ишлар ва бошқа эркин мавзулар бўйича ўзаро беллашди.

Тадбир сўнггида ғолиб деб топилган қизларга қимматбаҳо совғалар топширилди.

Ширмоной Йўлдошвой кизи.

ЗАМОНДОШЛАР


Ўзбекистонда хизмат кўрсатган журналист Асрор Абборхўжаевни кўпчилик яхши танийди. Ниҳоятда жонкуяр, самимий, дилкаш инсон. Айниқса, Асрор ака "Меҳр кўзда" кўрсатуви орқали қанчадан-қанча дилларни ларзага солган, неча-неча айро тушган тақдирларни бир-бирига боғлаган ижодкор. У ўта ҳаяжонли дийдорларни, қирқ йил, эллик йилдан кейинги гаройиб учрашувларни, юракдан сизиб чиқаётган қайноқ кўз ёшларни, қанчалаб саодатманд қалблар титроғини миллионлаб томошабинларга маҳорат билан ҳавола этган. Унинг қалби ҳамиша бердор.

Савоб йўлидаги одам

Аслида, журналист шундай бўлиши керак. Ҳамма нарсага уйғоқ назар билан қараши шарт. Энг муҳим жараёнларда ўрнак бўлиши, сўзлаётган гапи билан қилаётган амали бир бўлиши зарур.

Бундан ҳаммаси ўн беш йиллар аввал Асрор Абборхўжаев тамаки чекишга қарши ўзи тайёрлаган бир кўрсатувда телевизорга чиқиб, "Менинг ўзим ҳам сигарет чекам. Лекин шубҳундан бошлаб чекишни ташлайман. Қани, бошқа қашандалар ҳам менинг тақлидга кўшилишин", деб экранда бир қутти сигаретни эзгилаб ташлаганиди. Ушанда Асрор ака эргашиб, ҳам ўша туркум кўрсатув сабаб бўлиб, неча юзлаб одамлар чекишдан воз кечган.

Асрор ака муаллифлик кўрсатуви асосида "Меҳр кўзда" деган каттагина китоб ҳам чикарди. Китобни мутоталла қила туриб, минглаб одамларнинг гаройиб тақдирларига дуч келасди. Ундаги ҳикояларнинг сарлавҳалариёқ сизга қизиқ бир воқеани ваъда қилиб турганини сезасиз: "Георгий — Маъмуранинг набираси", "Нишонбойнинг Берлиндаги нишонаси", "Тунда ўғирланган болакай", "Ўттиз олти йилдан сўнг эгасини топган гулдаста" каби сарлавҳалар. Муҳими шундаки, буларнинг барчаси шунчаки ўйлаб



топилган воқеалар эмас, ҳақиқий кечмиш, яшаб ўтилган тақдирлар, чин ҳаёт манзаралари... Уларни топиш, ўрганиш, катта экранга олиб чиқиш, китоб қилиб ёзиш айтишга осон. Баъзида шапалоқдай ҳикояга жо бўлган битта одамнинг тақдирини тафсилотларини ўрганиш учун Асрор ака йиллаб меҳнат қилган. Бу одам ҳеч эринмайди, ўн дақиқалик кўрсатув тайёрлаш учун зарур материалларнинг ҳаммасини хижжалаб ўрганайди. Бу ҳақда унинг ўзи шундай ёзади: "Энг муҳими, машаққатлар, йўқотишлар эвазига тайёрланган кўрсатув сабабли бирор натижага эришилганда туйиладиган завқ, ижод лаззати тенг келадиган нарсаси йўқ. Тўғриси айтиб қўя қолай, ана шу лаззат, ана шу завқни бир бор қайта туйиш учун мен яна ҳар қанча қийинчилик ва таш-

вишларга юзма-юз боришга тайёрман".

Дарвоқе, телевидениеда одамлардан энг кўп хат оладиган журналистлардан бири ҳам Асрор Абборхўжаев. Хонасига кирсангиз, столининг устида уюм-уюм мактубларни кўрасиз. Уларда мухлисларнинг самимий кечинмалари, фикрлари битилган. Учин маънода томошабинлар кўнглига йўл топа олган ижодкор, десам янглишмайман. Инсон эътибори, иззат-ҳурмати нимада? Ҳамиша одамларнинг излашида, элнинг назарида туришида. Асрор ака шунга муносиб, у эл одами. У тиниб-тинчимайди, мунтазам изланади, жон куйдириб ишлайди. Ҳозирда тайёрлаётган кўрсатувларида ҳам бугунги куннинг муҳим мавзулари талқин қилинади. Она ва бола саломатлиги ҳақидаги "Саломат бўлинг!", гиёҳхандлик ва ОИВ/ОИТСга қарши "Ўзингни асра" туркум кўрсатувлари мунтазам эфирга бериб келинмоқда.

Асрор ака ҳақида гап кетганда кўпчилик бир нарсани эътироф этади: у савоб йўлидаги одам. Савоб йўли эса ҳамиша нузли.

Эшқобил ШУКУР

Энг қулай тарғибот

Кўп бора кузатишга тўғри келади: мактаб ва лицей ўқувчилари ўртасида ҳар йили анъанавий тарзда ўтказиб келинаётган Бош Қомусимиз ҳамда ҳақ-ҳуқуқлар билан бевоҳита боглиқ танловлар, шу жумладан, савол-жавоб кечалари, викториналар жуда қизғин кечади. Кечагина мактабга чиққан ёки эндигина ҳаёт оstonасидан қатлаётган баркамол авлод вакиллари мамлакатимиз Конституциясида белгиланган қўйилган фуқароларнинг ҳуқуқ ва бурчлари ҳақидаги тасаввур-тушунчалари теран ҳамда тўла-тўқис эканлигини қўриб беихтиёр ҳайратга тушасан киши. Бу ҳам истиқлол шарофати эканлигига шубҳамиз йўқ.

Бугунги кунда ўзини шу мустақил юрт фарзандиман деб ҳисоблаган ҳар бир шахс энг аввало, фақатгина 8 декабрь, яъни Конституциямиз қабул қилинган кун арафасида эмас, балки йилнинг ўн икки ойида ҳам бу муҳим ҳужжатда қафолатлаб қўйилган бурч ва вазифаларини чуқур англаган ҳолда уларни ўқиб, ўрганиб бориши шарт. Негаки, биз деярли ҳар кунни: уйдаими, кўча-қўй ёки ишдаими, хуллас, қаерда хизмат қилишимиздан қатъи назар, ўз зиммасидаги фуқаролик ва инсоний мажбуриятларимизни адо этиш билан бирга, мазкур қонун-қоидаларни кенг жамоатчилик орасида тарғиб этишда ҳам фаоллик кўрсатмоғимиз лозим.

Аслида ўзимиз яшаётган оила муҳити, энг аввало, ота-оналар, қолаверса, фарзандлар ўртасида Бош Қомусимизнинг мазмун-моҳияти, ҳаётимиздаги тутган ўрни ва аҳамияти, энг муҳими, унда қафолатлаб қўйилган яшаш принциплари ва бошқа асосий қоидалар хусусида мунтазам равишда суҳбатлар ўтказиб турсак, фойдадан холи бўлмайди.

Зулфия ОСМОНОВА,
Тошкент вилояти Зангиота тумани
нотариал идораси нотариуси.

Мамлакатимиз мустақилликка эришган дастлабки кунлардан оқалқимизнинг бола-жонлик фазилати давлат сиёсати даражасига кўтарилди. Болаларнинг эркин, фаровон яшашини, мукаммал билим олиш, комил инсон бўлиб воёга етишлари учун барча шароитлар яратишга киришилди. Бу ҳақиқатлардан бундан ўз самарасини бераётганига гувоҳ бўлиб турибмиз.

Айниқса, болалар ҳуқуқларини ҳимоя қилиш, бунинг учун зарур ҳуқуқий асосларни яратишга алоҳида эътибор

Бола ҳуқуқлари қафолатланган

қаратиб келинмоқда. Бирлашган Миллатлар Ташкилотининг "Бола ҳуқуқлари тўғрисида"ги конвенсияси 1992 йилдаёқ ратификация қилинган. Ўзбекистон Республикаси Конституциясида болаларнинг тенг ҳуқуқлиги мукаммал тарзда ифода этилди. Шу мақсадга қаратилган қоидалар кейинчалик қабул қилинган Фуқаролик, Оила кодексларида ҳам ўз ифодасини топди. Бу борада алоҳида қонун ҳужжатини қабул қилиш зарурати юзага келгани боис "Бола ҳуқуқларининг қафолатлари тўғрисида"ги қонун Олий Мажлисининг Қонунчилик палатасида 2007 йил 23 ноябрь кунин қабул қилиниб, 2007 йил 1 декабрда Сенатда маъқулланди. Унда давлат сиёсатининг бола ҳуқуқлари эркинликлари ва қонун манфаатларини таъминлаш, унинг ҳаёти ва соғлиғини, кадр-қимматини муҳофаза

қилиш, болалар ҳуқуқлари ва имкониятлари тенглигини, бу борада давлат органлари ва мансабдор шахслар фаолиятининг очиқ, ошкоралиги, бола ҳуқуқларини таъминлаш мақсадида давлат ва нодавлат но-тижорат ташкилотлари ўртасида ҳамкорлик, бола ҳуқуқлари қафолатларининг ҳуқуқий асосларини таъминлаштириш, боланинг жисмоний, интеллектуал, маънавий ва ахлоқий ривожланишига кўмакла-

шиш, болаларда ватанпарварлик, фуқаролик, баргикенглик ва тинчликсеварлик туйғуларини тарбиялаш, уларда ҳуқуқий онг ва маданиятни шакллантириш, болалар ҳуқуқини ҳимоя қилиш соҳасида фаолиятни амалга оширувчи кадрларни тайёрлаш, улар малакасини ошириш ва қайта тайёрлаш, воёга етмаганлар ўртасида ҳуқуқбузарликларни камайтириш бўйича тадбирлар ташкил этиш, ҳар бир болага унинг ҳуқуқ, эркинликлари ва қонуний манфаатларини суд орқали ҳимоя қилиш каби асосий йўналишлари мавжудлиги ифода этилган. Хусусан, "Яшаш ҳуқуқи ҳар бир боланинг узвий ҳуқуқидир.

Светлана ИРМАТОВА,
Наманган шаҳар 2-сонли
давлат нотариал идораси
нотариуси.

ЭҲТИРОМ

МЕНИНГ ҚАҲРАМОН ОНАМ

Ўзбекистон Қаҳрамони, Хива шаҳридаги
20-сон Меҳрибонлик уйи директори
Вера Борисовна ПАКЗА
бағишлайман



Сизга шараф, сизга эъзозим,
Дил изҳорим, шеърим, куй,
созим,
Сиз биландир баланд
парвозим
Таъзим сизга, меҳрибон онам!

Сўзингизда бир олам маъно,
Бўлинг дейсиз ақлли, доно,
Яшанг, дейсиз голиб,

мардона,
Таъзим сизга, қадрдон онам!

Қаҳрамонсиз — эл
ардоқлаган,
Халқимиз ишончин оқлаган.
Ҳурматингиз доим
сақлайман,
Таъзим сизга севимли онам!

Дунёда энг бахтли онасиз,
Элу юрт деб куйиб ёнасиз,
Биз ёшларга сиз парвозасиз,
Таъзим сизга, мунисам онам!

Меҳрибоним, доим
соғ бўлинг,
Бахтим кўриб, кўнгли
чоғ бўлинг,
Биз ниҳолмиз, сиз бир
боғ бўлинг,
Таъзим сизга Қаҳрамон
онам!

Азиза МУСАЕВА,
Хоразм вилояти
Хива туманидаги 20-сон
Меҳрибонлик уйи
тарбияланувчиси.

ТАДБИР

Навоий даҳосига эҳтиром

Тошкент давлат ирригация ва мелиорация институтида улуг мутафаккир бобомиз Алишер Навоий ҳазратларининг бой маънавий меросини ўқиш ва ўрганишга бағишланган маърифий тадбир бўлиб ўтди. Физика ва кимё кафедраси профессор-ўқитувчилари ва талабалари томонидан уюштирилган анжуманга тақлиф этилган олим ва ижодкорлар назм мулкларининг султони, буюк аллома ижодининг нозик қирралари ҳақида сўз юритдилар. Шунингдек, талабалар томонидан тайёрланган бадиий чиқишлар, сахнавий кўринишлар кечага фойз бағишлади.

Ўз мухбиримиз.

Катта ҳаёт оstonасидаги ёшлар

Кармана тумани фуқаролик ҳолати далолатномаларини ёзиш бўлимида ўтган 2010 — "Баркамол авлод йили" муносабати билан қабул қилинган Давлат дастурида ёшларнинг ҳар томонлама чуқур билим олишлари, айниқса тегишли ҳуқуқий билимларни эгаллашлари борасида ҳам қатор чора-тадбирлар белгиланган ҳолда ҳар бир фуқаро ўз ҳақ-ҳуқуқини тегишли тартибда талаб қилиш билан бирга, зиммасидаги бурч ва вазифаларни ҳам чуқур эгаллаши ва адо этиши, амал қилиши зарурлигини тушуниб етаётгани соҳа ҳодимларининг ютуғидир, десам мулоҳиза бўлмас.

Шу ўринда алоҳида таъкидлаш кераки, 2009-2010 ўқув йиллари давомида ўрта махсус касб-ҳунар таълими муассасаларидан Кармана туманидаги ҳўжалиги коллежи, Навоий педагогика, Жаллойдир иқтисодиёт, Ҳазора манший хизмат кўрсатиш ва Дўрмон озиқ-овқат саноати коллежлари ўқувчи ёшлари иштирокида ўтказилган ҳуқуқий мавзуларга оид машғулотлар жуда қизғин ва баҳоманзараларга бой ўтганлиги билан ажралаб турди. Ўйлашимизки, ўтказилаётган бундай тарғибот ва таъшиқот ишлари фуқароларимиз ҳаётида ўзининг ижобий ифодасини топади.

Сайёра ЖУМАНОВА,
Кармана тумани ФХД
бўлими мудири.

— Кичик бизнес ва хусусий тадбиркорлик йили бошланиши биланок 12 январь куни Нукус шаҳрида ўқув марказимизнинг катта филиалини очдик. Қорақалпоқ халқи бундан жудаю мамнун бўлганликларини билдираёпти. Ҳозир у ердаги марказимизда ҳам ишлар гуркираб, ўқувчилар сафи кун сайин кенгаймоқда. Қорақалпоғистонда яна 4 та филиал ташкил этмоқчимиз, — дейди “Ифбатли келин” ўқув маркази бош раҳбари Солиҳа ЮСУПОВА.

— Бу ўқув марказининг очилганига ҳам ўн йил бўлибди. Шу давр мобайнида 85 мингдан зиёд хотин-қизлар “Ифбатли келин”да ўқиб, касб-хунар эгаллабди. Бундай муваффақиятлар сири нимада?

— Биз фаолиятимизни 2001 йилда бошлаган бўлсак, ўша пайтда бор-йўғи 8 тагина курс мавжуд эди. Беш опа-сингил бир ёқадан бош чиқариб, бир-биримизни қўллаб-қувватлаб меҳнат қилдик. Албатта, бошида ишимиз олдинга силжирмикин, ўқувчилар келармикин, деган ҳадик кўп ўйлантирган. Узоқ йиллар раҳбарлик лавозимларида хизмат қилиб, нафақага чиққан отам Фатхулло Негматов “Қаловини топсанг қор ҳам ёнади”, деган гап бекорга айтилмаган, қизларим. Бир ишни бошладингларми, ҳеч қачон ортга чекинманглар!” деб бизга далда бўларди. Рухимизни туширмай, келажакка ишонч, қатъият билан дадил олдинга интилганмиз. Ахир, ўқув маркази очиш ташаббуско-

римизга кўра, аксарият ота-оналар қизларини узоққа ўқишга юборишарвермайдилар. Қолаверса, аёлларимиз, келинларимиз бола-чақасидан, оиласидан йироқ бўлолмайдилар.

— Опа-сингилларингиз, ходимларингиз билан гаплашганимда сиз ҳақингизда “Ниҳоятда қаттиққўл, ўзиям тинчимайди, бизниям тинчимайди”, дейишди. Бунга нима дейсиз?

— ... (қулади) Сингилларим бу ҳақда онамга кўпроқ шикоят қилишарди. Раҳбар, аввало, ўзига ва қўл остидагиларга нисбатан талабчан бўлсагина, ходимлари орасида ҳурмат қозонади. Ўзи қатъият билан меҳнат қилиш

“Ифбатли келин” ўқув маркази бош раҳбари Солиҳа ЮСУПОВА:

Бахтингиз ҳаммиша бутун бўлсин!



ри ҳам ўзим эдим-да. Ишонасизми, 8-синфда ўқиб юрган кезларимдаёқ ана шундай эзгу мақсадни дилимга тугиб қўйгандим. Ўшанда ҳовлимизда ток сўрсининг тағида тўрт синглимни ёнимга олиб, онажоним Холлида опа ўргатганларидек, дўппи тикаётгандик. Радиода Япониядаги бир коллеж ҳақида гапириб қолишди. Бу ўқув маскани қизларни ҳаётга, оилага тайёрлар экан. Юриш-туриш одобидан тортиб, қаерда, қайси фаслда қандай кийиниш, пазандачилик, бичиштиқиш, дастурхон тузаш, меҳмон кутиш, бола тарбиялашгача, ҳуллас, қизларга керак бўладиган деярли барча юмушлар ўргатиларкан. Совчилар ҳам кўпинча “Қизингиз фалон коллежда ўқиганми-йўқми?” деб сўрашаркан. Мен ҳам катта бўлсам, шунақа қизлар коллежи очаман дегандим ўшанда. Фаршталар “омин” деган экан-да, қаранг, охири ниятимга етдим.

Шу ўринда сизга яна бир оддий ҳақиқатни ҳам айтиб ўтайин: бу кунларга етиб келишимиз очиги, осон кечмади. Уч йил давомида қаттиқ меҳнат қилиб, турли муаммоларни енгиб ўтишимизга тўғри келди. Бир мисол: қандолатчилик курсларида зулуксиз машғул олиб бориш учун газ лимитини олишда, бино ижара ҳақини тўлашда анча қийналдик. Албатта, бунда асосий масъулият раҳбар бўлганим учун менинг зиммамга тушарди.

Ҳозирги кунда марказимизда 27 та ўқув курси фаолият юритаёпти. Ҳар бир гуруҳда 20 нафар қиз хунар ўрганади. Бундай курслар 12 та вилоятда ташкил этилган филиалларимизда ҳам ўтиломоқда. Кейинги пайтларда филиалларимизни ривожлантиришга кўпроқ эътибор бераёпмиз. Ахир, биласиз-ку, урф-одатла-

р кўникмасига эга бошлққ ходимларининг ҳам изланувчан бўлишини истаиди ва бунга эришади ҳам. Мен тартиб-интизомни, самимийликни, ишга меҳр билан ёндашишни яхши кўраман. Мураббийларни, ходимларни танлов асосида, ниҳоятда синчковлик билан ишга қабул қиламан. Ахир, ўқув марказимизга сир эмас, ҳар бир ота-она ўзининг суюкли, кипригига гард юктирмай авайлабгина ўстираётган 16-20 ёш атрофидаги қизларини хунар ўрганиш учун юборди. Уларни ёш новдага қиёслаш мумкин, шамол қайси тарафга эсса, шу томонга эгилладиган даври-да. Шунинг ҳисобга олиб, мураббийларнинг фақат билим ва хунарига эмас, ўзини тутуши, ҳушмуомалалиги — ҳуллас, барча инсоний фазилатларига алоҳида эътибор қаратамиз.

Бугунги кунда тикувчилик, мураккаб пишириқлар, қандолатчилик, сартарошлик, массаж-уқалаш курсларимизда кўпчиликда катта қизиқиш уйғотяпти. Айниқса, медицина курсимиздаги бола парвариси ўргатиладиган “Ёш оналар мактаби”га эътибор жиддий. Қизларимиз, ота-оналар Зарифа Саидалиева (тиқиш-бичиш), Ирода Абдурашулова (торт безатиш), Санобар Фозилова (мураккаб пишириқлар), Нодира Мухиддинова (сунъий гул ясаш) ларнинг олиб бораётган машғулотларини алоҳида эътироф этишиб, улардан жуда миннатдор бўлишарди. Сингилларим менга елкадош, тажрибали ходимлар саналади. Хизматдан ташқари эса биз бир-биримизга ниҳоятда меҳрибон, сирдош опа-сингилларданмиз.

Менинг назаримда, мана шу тутган йўлим тўғри, шунинг учун ҳам улар мени тушунишди ва бу одат — барча муваффақиятларимиз қалити, десак муболага

бўлмайдилар. Ўзингиз биласиз, раҳбар аёлга осон эмас. Оила, бола-чақа, неваралар, қанда-андалар дегандек. Мен аёлни — у тадбиркор бўладими, раҳбарми, кимлигини қатъи назар, ўз оиласининг гавҳари, нури деб ҳисоблайман. Турмуш ўртоғим темир йўл ташкилотига хизмат қиладилар. Тўрт қизим бор, барчаси худога минг қатла шукр, кўз тегмасин илоё, бахтли-тахтли яшашяпти. Бир этак невараларим бор, демак, ўзим ҳам бахтли бувиладанман.

— Солиҳа опа, хизмат юзасидан кўпгина хорижий давлатларда бўлгансиз. Ўзга юртларнинг тадбиркор хотин-қизлари билан ўзбек аёлларини таққослаганингизда нималарда фарқ кўрасиз?

— Ишонинг, бу баландпарвоз гап эмас, аммо бизнинг мамлакатимизда мустақиллик йилларига келибгина хотин-қизларга бўлган эътибор, эъзоз, ишонч, рағбат шаклланди, кучайди. Шу ўринда бевоқиф Президентимиз раҳнамолигида аёлларнинг, энг аввало, оиладаги ўрни ва қадр-қимматини ошириш, қолаверса, жамиятда тугган нуфузини тиклаш, фаолигини рағбатлантиришга, шу жумладан, тадбиркорлик соҳасидаги фаолиятини ҳар томонлама қўллаб-қувватлашга, бир сўз билан айтадиган бўлсам, ҳар икки жабҳада ўзининг муносиб ўрнини

билан шугулланиш ниятида юрган қизларимиз ҳам кўп бўлса керак-а? Уларга қандай ёрдам кўрсатилади?

— Юртбошимиз 2011 йилли Кичик бизнес ва хусусий тадбиркорлик йили деб эълон қилганларида жудаю тўққилиб кетдим. Эртасигаёқ бутун жамоамизни тўплаб, уларни қутладим. Қолаверса, бундай катта эътиборга муносиб бўлиш учун янги режалар туздик. Албатта, тадбиркорлиқни ҳавас қилиш бошқа, унинг қийинчиликларида қўчмай, эл фаровонлиги йўлида қатъият билан ишлаш бошқа. Ўқув марказимизда хунар ўрганиб, кейинчалик касаначилик, тадбиркорлик билан шугулланаётган шогирдларимиз жуда кўп. Ҳозирги кунда ҳам курсларимизда ўқиб, тадбиркорлик қирралари очилаётган ёшларни тўплаб, тажрибамизни ўргатамиз, йўл-йўриқ кўрсатамиз. “Ифбатли келин” ўқув марказининг “Микрокредитбанк” билан шартномаси бор. Касаначилиқни, тадбиркорликни астойдил бошламоқчи бўлган ёшларга кредит олишда ёрдам бераёпмиз.

— Ўқув марказида кам таъминланган оила фарзандларига, ногиронларга қандай имтиёзлар бор?

— Албатта, ижтимоий ҳимояга муҳтож оилалар фарзандларига маълум қўшимча имкониятлар яратганмиз. Улар учун тўлов пули 50 фоиз арзонлаштирилган. Ногиронлар, чин етимлар ва ўта кам таъминланган оилалар фарзандларини эса бепул ўқитамиз. Яна бир хайрли аънамиз бор: Тошкентдаги кўзи оғирлар коллежи ўқувчилари орасида хунарни бўлиш истагини билдирган ёшларни икки ойлик курсда бепул ўқитиб, диплом берамиз. Марказ мураббийи Озода Исмоилова олиб борган машғулотлардан кўзи оғирлар жамияти жуда ҳам миннатдор.

— Залворли ютуқлар янаям катта эзгу мақсадлар сари йўл очади. Келгуси режаларингиз қандай?

— Оиласини эплаб, болаларини чақмоқдай қилиб тарбиялаётган, боз устига, ижтимоий меҳнат билан шугулланишни истаётган аёлларга ўз малакаси ва иқтидорига мос иш, касб-хунар топиб бериш энг олийжаноб амал, назаримда. Ана шундай савобли бир ишни бошлашни режалаштираяпмиз. Яқин келажакда каттагина фабрика очиб ниятимиз бор. Албатта, бу маблағ билан боғлиқ масала. Япония ва бошқа ривожланган мамлакатлар билан ҳамкорликда ишлаш ҳақида ўйлаяпмиз. Худо хоҳласа, бу фабрикада тахминан 5 минг нафаргача хотин-қизлар иш билан таъминланади. Чет эл инвестициясини юртимизга олиб кириб, ишлаб чиқарган маҳсулотларимизни хориж давлатларига экспорт қилмоқчимиз. Ана шундай истиқболли режаларимиз орқали юртимиз фаровонлиги йўлида, шунингдек, биринчи навбатда хотин-қизларни иш билан таъминлашдек савобли ишга қўлимиздан келганича ҳисса қўймоқчимиз.

— Сиз билан 8 март — Халқаро хотин-қизлар куни байрами арасида диққатдорлашиб, сўхбатлашиб турибмиз. Ушбу кутлуг кун баҳонасида “Оила ва жамият” муштарийлари, қолаверса, опа-сингилларингизга тилакларингиз.

— Яратганинг бизга ато этган инъомий дейимизи, марҳаматимни, ҳуллас, дунёдаги неки бор гўзаллик ва латофат тимсоллари хотин-қизларга менгзалади, қиёсланади. Бу ҳам аслида бизнинг буюк бахтимиз эмасми? Яна қарангки, уйғонши, яшарши фасли бўлган кутлуг Баҳорнинг бошланиши ҳам бизнинг муборақ байрамимиз билан ҳамбарчас боғлиқ. Шундай экан, мен ҳам семимли газетамиз орқали юртимиздаги барча гўзал, лобар ва дилбар аёлларимизни, ҳамда ифбатли, ибодли келинларимиз ва қизларимизни ушбу кун билан чин юракдан қутлайман. Ўзбекистонимиздаги ҳар бир оилада тинчлик, аҳиллик ва хотиржамлик ҳамиша барқарор бўлмоғини тилайман. Бахтингиз бутун бўлсин, азизлар!

**“Оила ва жамият” мухбири
Тамара ХУММАМАТОВА
сўхбатлашди. (t)**

**Зиёдулла НОРМУРОДОВ олган
суратлар**

Нодирахон олий ўқув юрти биносидан чикди-ю, ёмғирнинг оҳиста томчилаётганини кўриб, кўнгли ёришиб кетди. Ёшлигидан ёмғир остида яёв юриб, хаёл суришни, янги-янги режалар тузишни яхши кўради. “Қайнонаси жуда ҳокисор аёл-да, доим Нодирахонни кўллаб-куватлайди, олим болам, деб кутиб олишлари бирам ёқимлики!” Нодирахон қайнонаси учун йўлдан оловдек атиргуллар харид қилди.

Гулларни кўриб, Холидахон аянинг нурли чехрасига табассум ёйилди ва келинининг кифтига қоқиб, кафтларини дуога очди: “Умрингиздан барака топинг, илмингиз бундан ҳам зиёда бўлсин, олим болам! Тарбия берган ота-онангизга раҳмат!”. Нодирахоннинг кун бўйи китобга тикилган кўзлари ёлқинлангандек, чарчоклари бир зумда тарқалгандек бўлди.

Йўлга пешвоз чиққан келини Шахлохоннинг: “Яхши келдингизми, ойишон!” дея қилган илтифотидан миннатдор, кўнглида ажиб бир ҳис туйди: “Шукр!” Қайнонаси ошхонада набира - келинга ҳам меҳрибон устоз: «Тиббиётни чала-чулпа ўрганиб бўлмайди...» Доим шундай: овқат қилиш баҳона келинининг аҳвол-руҳиятини билиб олади, йўл-йўриқлар кўрсатади. Кейин яна ўйлади: “Қандай яхши! Ойлада сени соғиниб кутадиганлар, сенга ўзига раво кўрганларини илинадиганлар жамулжам

эслолмайди. Мелибой ака доимий такрорлайдиган “Илмга ошно бўлганинг замон, Кемасиз ҳам сувдан

бир Раҳимов туманидаги 549-мактаб-гача таълим муассасасида услубчи

“Илмга ошно бўлганинг замон...”

ўтасан осон” деган ҳикмат фарзандларига ёд бўлиб кетганди. Онаси Мавжудохон ая

бўлиб фаолият юритди. Кейинги пиллапоаялар - ўзи ўқиган университетда малака оширувчи-тадқиқотчи, аспирант, мактабгача ва оилавий таълим кафедраси ўқитувчиси лавозимлари бўлди. 2005 йилдан бугунга қадар эса педагогика кафедраси мудири вазифасида хизмат қилиб келаяпти.

Нодирахон отаси яхши кўрган Камолиддин Биноийнинг бу ҳикмати тўлалигича ҳаёти ва фаолиятига сингирди. У 2004 йили ўз кузатувлари, илмий-амалий таҳлиллари асосида ёзган “Атроф-муҳит таъсиридаги педагогика коллежи ўқувчиларини ахлоқий тарбиялаш” мавзусида номзодлик диссертациясини муваффақиятли ҳимоя қилди. 2009 йили эса доцентлик унвонини олишга мушарраф бўлди. Унинг шу йили нашрдан чиққан “Ижтимоий педагогика” китоби рес-

публикацияда шу фанга доир ягона дарслик ҳисобланади. Дарсликда фаннинг ривожланиш тарихи, мамлакатимизда ижтимоий педагогик фаолиятни ташкил этишнинг шакл, усул ва воситалари ҳамда унга доир тўпланган илгор тажрибалар ёритиб берилган. Олиманинг “Маданий-инсонпарварлик ёндашув асосида бўлажак ўқитувчиларни шахсий ва касбий ижтимоийлаштириш” монографияси ҳам муҳим амалий аҳамиятга эгадир. Нодирахон Эгамбердиевнинг илмий мақолалари нафақат республикада, балки хорижда ҳам чоп этилган кувонарлидир. Унинг Россиянинг Қозон шаҳрида нашрдан чиққан “Теория и практика социализации и профессионализации будущих педагогов в ВУЗе” монографиясидан халқаро миқёсда фойдаланиш ҳуқуқи берилган.



бўлишса!.. “Худойберди дўхтир” номи билан машҳур раҳматли қайнотаси ҳам Нодирахонни кўп азиз қилардилар...”

Нодирахон эсини танибдики, “олим бўлиш”ни ҳавас қилади. Раҳматли отаси Мелибой ака аниқ фанлар бўйича политехникумларда дарс беради. Ойладаги олти қиз, икки ўғилни ҳам шундай “имтиҳон” қиларди. Шунингдек, “Янги Тошкент” маҳалласи аҳлининг сардори бўлгани учун бу хонадондан одамларнинг қадами узилмас, Мелибой ака уларнинг муаммоларига ечим топмасдан қайтармасди. Бу мулоқотлар ҳам оила аъзолари учун катта сабоқ мактаби ролини ўтаган.

Нодирахон бўш қолган пайтини ёки қош қорайганда уйга кириб келган вақтини

(букун 80 ёшда) эса болаларни тарбиясидан ортган вақтини бичиш-тиқиш билан ўтказарди. Нодирахон ҳам бу ҳунарни миридан-сиригача ўрганиб олди. Ҳатто келин кўйлагини ўзи тикканини кўрган дугоналари унинг маҳоратига тан беришганди. Отасининг илмга иштиёқи барча фарзандларига “насл сурди”. Улар ҳар хил мутахассисликлар бўйича олий ўқув юртларини муваффақиятли тугатишди.

Нодирахон 1988 йили Низомиёв номидаги Тошкент давлат педагогика университетида ўқиб, мактабгача тарбия муассасаларида педагогика ва психология ўқитувчиси ҳамда методисти ихтисослигига эга бўлди. Дастлаб Со-



ШУНДАЙ ЯШАР ОДАТДА ОДАМ



Илм заҳматкашининг изла-нишлари ўз самарасини бермоқда. Ўтган йили олим “Маданий-инсонпарварлик ёндашув асосида талабаларни шахсий ҳамда касбий ижтимоийлаштириш назарияси ва амалиёти (педагогика олий таълимлари мисолида)” мавзусидаги докторлик диссертациясини ҳимоя қилди. Ўқувчиларига тақдим этилган дарслик ва монографиялар, ўндан ортққ ўқув қўлланмалари, олтимишга яқин илмий мақолалар ҳам муттасил изла-нишлар маҳсулидир. Нодирахон Эгамбердиевнинг Ўзбекистон маданияти ва санъати форуми жамғармаси педагогик грантлари совриндори бўлгани, “Юксак маънавиятли шахсни шакллантиришнинг тарбия технологиясини ишлаб чиқиш” амалий лойиҳасига раҳбарлик қилиб келаётгани ҳам бежиз эмас, албатта.

Мохир мураббий педагогика кафедрасининг илмий салоҳиятини оширишга ҳам муносиб ҳисса қўшиб келмоқда. Олима раҳбарлигида 2005-2010 йилларда Япониялик Асука Кавано “Маҳаллаларнинг таълим ва тарбиядаги ўрни” мавзусида докторлик илмий ишини, Ш.Содиқова, Ш.Зуфаров, З.Содиқова сингари ўнга яқин ўқитувчилар номзодлик диссертацияларини муваффақиятли ҳимоя қилишди.

Нодирахон Эгамбердиева ташаббуси билан кафедра қошида ташкил этилган республикада ягона “Таълим тизими менежменти” магистратура йўналиши бўйича ҳам етук кадрлар тайёрланмоқда.

Олима оиласида ҳам хавас қилгулик мураббий. Турмуш ўртоғи Абдумалик ака (шифокор) билан уч фарзандни воёга етказиб, элга қўшганлар. Улуғбекжон ҳам ота-бобосининг касбини эгаллаб шифокор бўлди, ҳозир шаҳар соғлиқни сақлаш бошқармасида хизмат қилади, Отабекжон - иқтисодчи, банк ходими, Гаваҳжон - Ўзбекистон давлат жаҳон тиллари университети талабаси. Нодирахон шу кунларга, шу бахту саодатларга етишувда Абдумалик акадан миннатдорлигини таъкидлайди. Зеро, оиладаги иқлим аёлга куч-қувват, орзуларига парвоз ва қилаётган ишига ИШОНЧ беради!

Санобар
ФАХРИДИНОВА,
“Ойла ва жамият”
муҳбири.

«ZENN-SHANS»

ИЛМИЙ ЎҚУВ МАРКАЗИ

Абитуриентларни олий ўқув юртларига ўқишга кириш учун қуйидаги фанлар бўйича тайёрлайди: кимё, биология, она тили ва адабиёти, математика, физика, инглиз тили, тарих, рус, немис тили. Машгулотларни фан докторлари, фан номзодлари ва дарсликлар муаллифлари олиб борадилар.

Марказ дарсларнинг юқори даражалли сифатига кафолат беради.

Назарий ва амалий машгулотлар маҳсуе чуқурлаштирилган дастурлар асосида ҳамда «Ахборотнома»лар, имтиҳон вариантлари бўйича ўтказилади. Ҳар бир фан ҳафтасига 3 марта 2 соатдан дарс жадвалига киритилади. Марказдан барча зарур дарслик ва ахборотномаларни сотиб олиш мумкин.

Машгулотлар сентябр ойидан бошлаб 1 августгача 11 ой давом этади. Дарслар ўзбек ва рус тилларида олиб борилади.

Охириги беш йилликда абитуриентларимиз 85-90% ўқишга қабул қилиндилар.

Натижалар билан марказда танишиш мумкин. Шунингдек, ушбу илмий ўқув марказида рус ва инглиз тилини ўрганиш курслари ҳам бор.

МАНЗИЛ: Тошкент шаҳри, Юнусобод тумани, 2-мавзе, 14-а уй (9 қavatли бинонинг 1-қавати).
Мўлжал: «Юнусобод», «Универсам» бекети, «Юнусобод» бозори қаршисида, «Ўқтамбанк» енида.
ТЕЛЕФОНЛАР: 8(371) 221-35-56, 221-86-09.

«ЎҚТАМХОН-НУР» ЎҚУВ МАРКАЗИ

қуйидаги ўқув курсларига тақлиф этади:

Тикуччилик — 3 ой, бошловчилар — 6 ой.
Тўй ва оқшом либослари — 1-2 ой.
Аёллар костюм-шимми, плац-пальто — 1-2 ой.
Ҳамшира — 6 ой, 4 ойи ўқиш.
Ҳамшира (тезкор) — 3 ой.
Тиббий массаж — 2 ой. Нуктали — 1 ой.
Торт ва пишириқлар — 2 ой.
Пишириқлар олий курси — 1 ой.
Уйғурча таомлар ва салатлар — 1 ой.
Аёллар сартарошлиги — 3 ой.
Педикюр, маникюр — 1 ой.
Сартарошлик — 3 ой.
Тўй ва оқшом турмаклари ва макияж — 1 ой.
Бухгалтерия ҳисоби — 3 ой.
Элита парда ва чойшаблар тикиш олий курси — 1 ой.
Сартарошлик — 2-3 ой (ўғил болалар учун).
Қаўшачилик — 3 ой (машинада вышивка).
Тўқуччилик — 2 ой.
Инглиз тили — 3 ой, бошловчилар — 6 ой.
Рус тили — 3 ой, бошловчилар — 6 ой.

Бисер, яъни мунчоқ тикиш — 2 ой.

Сунъий йил яшаш — 1-2 ой.

Компьютер сабоқлари — 2 ой. Интернет

— 1 ой.

Арабча ва миллий рақс — 3 ой.

Барчаси амалиёт билан

Ётоқхона мавжуд.

Ўқишни тугатганларга

ДИПЛОМ берилади.

Манзил: Тошкент шаҳри Юнусобод тумани 3-мавзе, 1-уй, 31-хона.

Мўлжал: Юнусобод бозори орақсид.

Тел: (8 371) 221-17-95, 221-77-72

(18°), 225-97-93 18° д.и 22°

гача.

Филиал

Манзил: Халма тумани Фарғона

йули кўчаси, Қўилик, 4-уй

40-хона. Тел: (+99897)

785-90-30 (кундузи)

ТУРМУШ СЎҚМОҚЛАРИ

— Мен давлат қораловчиси сифатида Ахмедов Муродилнинг ёштини, биринчи қамалишини ҳисобга олган ҳолда, қилган жиноятлари учун Ўзбекистон Жиноят Кодексининг ... моддаларига биноан уни 8 йилга озодликдан маҳрум қилишни сўрайман!..


Суд залида йилгаб ўтирган она: "Инсоф қилинг, яхшилар, мендай муштипар онага раҳмингиз келсин. Маҳалла-қўйда энди қандай бош кўтариб юраман-а?!" дея беихтиёр ўрнидан туриб, қўлларини гайритабиий олдига чўзган ҳолда суд раиси томон кела бошлади...

Мен ўшанда халқ маслаҳатчиси курсисига ўтирган бўлишимга қарамай, бу аёлга қўшилиб йилгагим, "Опажон,

та қизиқиш билан жиддий ҳозирлик кўрар, диплом ва соғалар кўтариб уйга қайтганда оилада байрам бўлиб кетарди. Муродил 6-синфда ўқиётганда шахар биринчилигида тўртта рақибни устидан галаба қозониб, биринчи ўринни эгаллаганда, отаси уни бағрига босиб қутлар экан,

"Насиб этса, ёзги таътилдан кейин республиканинг бош тренери сен билан алоҳида шуғулланади, гаплашиб қўйдим", деганди. Афсуски, ўша ёзда отаси автомобил ҳалокатига учраб қафо қилди...

Ҳосиятхон энди болаларини ҳам она, ҳам ота



Бизга яхши оналарни беринг!

ўғлингиз шу кўйга тушишида биринчи навбатда ўзингизнинг, қолаверса, мактаб, маҳалла, қўни-қўшниларнинг ҳам айби бор", дегим келарди, лекин...

Нега десангиз, мен суднинг "қора курси"сида ўтирган Муродилнинг ота-онасини жуда яхши билардим. Бу йилгит ёшлигидан Ҳосиятхоннинг уч қиздан кейин "тиллаб олган" ўғли эди. Муродилнинг отаси республика оғир атлетика терма жамоасида мураббий бўлиб ишлар, орзқиб кутган ўғлини ҳам боксчи қилиб камол топтириш орзусида яшарди. Шунинг учун ҳам Муродил 7 ёшидан дастлаб отасидан, сўнгра тажрибали мураббийларидан бокс сирларини ўргана бошлади. Отасининг доимий назорати ва спорт борасидаги каттиққўллиги учунми, у мусобақаларга кат-

ўрнида тарбиялаши, вояга етказиши кераклигини тушуниб етди. Тикувчилик фабрикасига ишга кириб, аввал бир, рўзгор, бола-чақа ташвишлари ортандан кейин икки сменада ишлаш бошлади. У ҳар кунни тонг саҳарлаб ишга кетар, шом қоронғусида бурнидан тортса йиқилгудек ҳолатда уйга қайтарди. Кунни билан бе-бош ва безори болаларга қўшилиб кўча тентираган Муродил онаси ишдан қайтар маҳалда уйга келиб турар, "Ўқишларинг яхшими, машғулотларни қанда қилмаёсанми?" деган саволларга "Ҳа, ҳаммаси жойида ойиҳон", деб жавоб берар, бунга ишонган она шўрлик "Хайрият, насиб этса, отасининг ўрнини босади", деб ўзига таскин берар, кўнгли ўксимасин деб ўғлини кўпам тергайвермас, ўз

ҳолига ташлаб қўйилган Муродилнинг анчадан бери мактабга ҳам, бокс машғулотларига ҳам бормаётганидан бутунлай беҳабор эди.

Отаси вафотидан кейин Муродилнинг

хулқ-атворида юз бераётган кескин ўзгаришлардан ташвишга тушган синф раҳбари ҳар сафар унинг кундалигига дарсга қатнашиш давомати ва баҳолари пасайиб кетгани ҳақида огоҳлантиришлар ёзиб, Ҳосиятхоннинг мактабга, ота-оналар мажлисига чақирарди. Кундаликдаги чақирувлардан натижа чиқмади, онаси ҳам ўзидан ортмади. Охири Муродил 7-синфда яна бир йилга қолдирилди...

Муродил эса ўзини аллақачон балога етган ҳисоблар, тенгқурлари орасида ўзининг уришқоқлиги билан танилиб қолгани учун бир марта мушти зарбини "татиб" кўрган болалар унга итоатгүй бўлиб қоларди. Шу боис Муродил ўзига гап қайтарган ёки бўйсунмаганларни аёвсиз жазолар, хоҳласа, болаларнинг уст-бошларини ечиб олар, уйларида пул, оналарнинг тилла тақинчоқларини ҳам ўғирлаб чиқишга мажбур этарди.

Хуллас, ўзи ўқиётган мактаб ва яша-

ётган гузарида отнинг қашқасидек танилиб қолган ёш "Тайсонча"нинг таърифини эшитган йилгитлар чоргоқ қафегга у билан танишмоқ учун меҳмондорчиликка чақирарди. Шу кун у умрида илк бора заҳарли оғуни татиб кўрди. Гўё осмонга учиб кетгандек бўлди, уйига қандай бурганини ҳам билмади. Орадан уч кун ўтгач, яна ўз оёғи билан ўша ҳамтовоклари даврасига шошилди. "Заҳри қотил"нинг оҳанрабоши шунчалар ҳам кучли эдики, ҳумори тутганда талвасага тушган Муродилнинг кўзига ҳеч нарса кўринмас, ўзини қўйгани жой тополмай қолар, бир зумлик сархушлик учун ҳамма нарсга тайёр бўларди. Бирин-кетин уйидаги қўлга илинган нарсаларни сотиб бўлди, кейин бошқаларнинг уйига ўғирликка тушди, кўчадаги қизлар, аёлларнинг бўйнидаги занжир, қулоғидаги зирақларини узиб қочадиған бўлди. Кўза кунда эмас, кунда синади, деганларидек, ахирги, жиноят устида қўлга тушди...

Хўш, бир дунё орзулар қанотида учиб юрган ўсмир қандай қилиб энди вояга етган пайтида аввал ўғрига, кейин босқинчига айланиб қолди? Раҳматли отасининг арвоҳини чирқилиб, унга қаттиқ ишонган мураббийларнинг юзини ерга қаратишида ким айбдор? Тўғри, биз бу саволларга ҳеч иккиланмай "Унинг ўзида!" деймиз. Лекин, минг афсуски, ҳақиқатнинг юзига тик қараб айтидиган бўлсак, унинг атрофидоғилар, оила аъзолари, биз, сиз, мактаб жамоаси, қариндош-уруғ, маҳалла-қўй-чи? Ушбу оғрик-ли саволларга ўзимча жавоб қидира эканман, беихтиёр бир алломанинг ҳикмати сўзлари ёдимга келади: "Бизга яхши оналарни беринг, донишмандлар бўлиб етишамиз". Дарвоқе, унга қўшимча қилиб, "Оталарни ҳам" дегим келади...

Гулпошша ЭРГАШҲУЖАЕВА,
тарих фанлари номзоди, доцент.

СОҒЛИГИНГ – БОЙЛИГИНГ

лаш. Идрок этиш кучининг ортиши инсон саломатлиги яхшиланганининг энг ишончли кўрсаткичи ҳисобланади. Эшитиш, ҳид сезиш, таъм сезиш, ҳис қилиш ва кўриш қобилияти билан ишлаш организм ички жараёнларининг соғломлаштириш

лаштириш масканига ихлосим ортиб, ўқув босқичларида қатнашишга қарор қилдим. Бугун тўққизинчи кун. Мама шу вақт давомида ўзимни ўн йилга ёшарганимни ҳис қилдим десам, маълум бир маънода тўри бўлади. Бу ерда қилган машқларим давомида катта ютуқларга эришдим. Чунки ҳозир кўзойнаксиз китоб ўқий олаётиман. Бундан ташқари, қон босимим меъёрлашди. Бўғимларимда туз йиғилгани боис ҳаракатланишим кийин эди. Ҳозир бу дарддан ҳам қутилдим. Ўзимни анча ёнгиш ҳис қилаётиман.

Мажжуда ФАРМОНОВА,
Тошкент шаҳри".

"Мен бу масканга жуда тушқун аҳволда, ишонсизлик билан келгандим. Кучли стресс, асабийлик, умидсизлик мени мураккаб маҳв этганди. Ҳамма нарсадан кўнглим совиган, яшашга қизиқишим қолмаганди. Бир дугонанинг тақлифи билан бу ерга келдим ва адашмаганимни сездим. Ававалига ўзимда бўлаётган ўзгаришларга ўзим ҳайрон эдим. Оила аъзоларимга, яқинларимга муносабатим яхшиланди. Ававалгидек, орзу-умид қилишни, табассум билан юришни, ҳар бир ишга вазминлик ҳамда мулоҳаза билан ёндашишни, бир сўз билан айтганда, яхши яшашни ўргандим.

Хумора САИДОВА,
Сирдарё вилояти". (1)

Гар шифо истасак...

айнан мана шундай таомиллига асосланади. Ундан фойдаланиш натижасида машғулотлар давомида тингловчиларда зарур иддрок этиш даражасининг ўсиши содир бўлади. Уларнинг янгилаштириш қобилиятлари фаоллашади. Мазкур соғломлаштириш услуби безарар, оддий ва самаралидир. Унинг асосини Шарқ файласуфларининг мумтоз аъёнлари ва қадим китобларда тасвирланган, йиллар синовидадан ўтиб келган соғломлаштириш усуллари ташкил қилади.

1. Аутомануал комплекс. Маълум биологик фаол нуқта-ларга изчиллик билан таъсир кўрсатиш ёрдамида организмнинг ўзини тиклаш функцияларини фаоллаштириш.

2. Бўғимлар гимнастikasi. Бўғим, пайлари ва мушакларини умумий тиклаш, бўғимлараро суяклик ишлаб чиқариш жараёнини фаоллаштириш.

3. Қон-томир тизимини машқ қилдириш, фойдали жисмоний машқларни бажариш ва танада сезгиларни юритиш бўйича махсус машқлар ёрдамида артериялар, капиллярлар ва веналарнинг қон билан таъминланиш функцияларини яхшилаш.

4. Иммун тизими ишини яхшилаш. Организмнинг тери ва шиллиқ қавати химояланиш ҳусусиятларини кучайтириш. Айрисимон безининг фаолиятини

жинсий гормонларини меъёрга келтириш.

6. Чандиқларни йўқотиш. Ташқи чандиқларни йўқотиш бўйича машқлар ва оқибатда танага керак бўлмаган бириктирув тўқималаридан холи бўлиш умумий механизмининг ишга тушириш. Ушбу йўналишдаги машқлар чандиқлар ва бошқа нуқсонлар – кўкариш, қонталаш, суякларнинг ёмон битиши, тиртиқ, терини ситилишлари ва ҳоказолардан қутулишга ёрдам беради.

7. Иродани машқ қилдириш. Жисмоний ҳамда ҳиссий жиҳатдан ўзини ўзгартиришга бўлган қаршилликни йўқотиш учун онгли равишда, мунтазам ва доимий ирода кучларини ишга солиш. Ушбу ҳаракатлар феъл-атворнинг салбий ҳусусиятларини (яқовлик, ишонсизлик ва ўзидан қониқмаслик) ни топиш ва ўзгартиришга имкон беради.

8. Тасаввур билан ишлаш: хаёлан фикрлашни машқ қилиш. Бунинг натижасида инсон мусон-тақил равишда танада ҳар хил сезгиларни ҳосил қилиш орқали диққатни жамлаш амалий кўникмаларини олади.

9. Ҳиссиётларни бошқариш. Тингловчи маълум ҳаракатларни бажариб, онгли равишда ўз ҳиссиётларини ижобийдан салбийга ва аксинча, ўзгартиришга имкон берувчи қатор машқлар бажарилади.

10. Сезги органларини тик-

томонга ўзгаришига олиб келади.

Биз ушбу соғломлаштириш масканига келганимизда навбатдаги гуруҳ соғломлаштириш кунининг 9-босқичи экан. Айрим иштирокчилар ўз таассуротларини шундай баён этишди:

«Мен бундан олти йилча аввал Мирзакарим Норбековнинг «Саломатлик қалити ёхуд кўзойнаксиз ҳаёт сари» китобини харид қилгандим. У китобда оддийгина машқлар кетма-кетлигида қўллаб ҳасталиқлардан фойда бўлиш сирлари яширин экани менда катта қизиқиш уйғотди. Унда Норбековнинг кўз касалликлари билан ишлаш усули дориларсиз ва тигсиз кўриш қобилиятини тиклашга, кўз нервлари атрофисии, астигматизм, катаракта ва яна бошқа касалликлари ҳам бартараф этишга имкон бериши ҳақида ёзилганди. Менинг эса ўшанда кўз нуримнинг кўрсаткичи +1 эди. Шундан кейин бу соғлом-

Таништирув кун 15 март соат 10⁰⁰ да.
Биринчи кун кириш бепул

Манзилимиз:

Тошкент шаҳри Чўпон ота кўчаси, 23-«а» уй.
Мўлжал: метронинг М.Улугбек бекати,
9 қаватли сариқ бионинг орқасидаги 2 қаватли бинода.
Маълумот учун телефонлар: (8 371) 276-44-59; 276-28-89.
www.norbekov.uz e-mail: madadi-sino@mail.ru

Тўй ўтган:

– Хорманг энди?! Келининг қўлидан чой ичиб, яйраб ўтирибсизми? Илоҳим, ёшлар кўша қаришсин. Хузуур-ҳаловатларини кўриб юринг...

Келин тушганда:

– Қадами кутлуг бўлсин. Ёшларнинг бахтини берсин. Туп қўйиб, палак ёзсин. Кўша қариб, ўзидан кўпайсин...

Тўйга борганда:

– Тўйлар муборак бўлсин. Бошингиз тўйдан чиқмасин. Тўй-тўйга улансин.

Кутмаган одами йўқлаб келганда:

• Бахайр, кун қаёқдан чикди?
• Қандай шамоллар учирди?
• Бошидан чўп синдирайликми, калтак?

Ўзбек нима дейди?

Шошган одами кўрганда:

• Шошганда лаббай топиламас.
• Нима бало, ёв кувдими?
• Ё бир жойга ўт кетдими?..

Ўғри урган одами юпатганда:

• Келган бало-қазо шунга урсин.

Боқий МЕРОС

Келган бало-қазо шунга урсин.

• Бола-чақангиздан, бош-кўзингиздан садақа.

• Жонингиз омон қолганига шукур қилинг...

• Мол чиқаси келса, унга уй эгаси сабабчи бўлади.

Боласини кутган она:

– Кутавериб кўзларим те-

шилди-я. Неча бор ўлиб, неча тирилдим. Қайси кўчаларга кириб чиқмадим.

Савдолашганда:

Олганга қиммат, сотганга арзон.

Келинг, бориға барака...

Совчиликка борганда:

– Эшигингизга қулчиликка келдик. Қизи борнинг ноzi бор.

Айтинг шартингизни, эгачи?..

– Қизимизнинг ҳали ўқиши бор, отаси, қариндош-уруғлар билан маслаҳатлашиб кўрайликчи...

(Давоми бор)

Махмуд САТТОРОВ тайёрлади.

АЖИБ ОЛАМ • АЖИБ ОЛАМ • АЖИБ ОЛАМ

Қумсоатлар

Ингичка бўйича билан боғланиб турувчи икки идишдан иборат оддийгина буюм ўз вақтида жуда қадрли бўлган. Идишлардан бири маълум миқдорда қум билан тўлдирилган.

Тўнқарилганда қум зарралари тепадаги идишдан пастдагисига оҳиста тўкила бошлайди.


Охирги зарра тўкилгунча бўлган вақт бир неча сониядан бир неча соатгача чўзилиши мумкин. Бу қумнинг миқдори, майда ёки йириклиги, шунингдек, идиш ҳажми ва унинг "томоғи"нинг кенг ёки торлигига боғлиқ.

Қумсоатлар жуда қадимий ихтиро бўлиб, ўрта асрларда Европада кенг тарқалган эди. Кемаларда тўрт соатлик, яъни матрослар навбатчилигини белгилайдиган 30 сониялик – кема тезлигини ўлчайдиган қумсоатлардан фойдаланилган.

Ҳозирги кунда қумсоатлардан, асосан, тиббиётда шифо муолажалари фурсатини белгилашда, фотография жараёнларида, шунингдек, сувенир ва совға ўрнида фойдаланилади.

Бир йил давомида қумлари тўкилиб турадиган иккита улкан қумсоат бор. Бири "Вақт гилдирағи" деб номланган бўлиб, Венгрия пойтахти Будапешт шаҳрида жойлашган. Баландлиги 8 м. Иккинчиси эса Япониянинг Нима шаҳридаги қум музейида сақланади. Унинг баландлиги 6 м. Рамзий маънода қурилган дунёдаги энг улкан қумсоат Москванинг Кремль майдонидан жой олган. Унинг баландлиги 11,9 м. оғирлиги 40 тонна келади. Энг митти қумсоатнинг баландлиги атиги 2,4 см. бўлиб, у 1992 йилда Гамбург шаҳрида ясалган. Ундаги қум зарраларининг бир идишдан иккинчисига тўкилиш жараёни бор-йўғи 5 сония давом этади. Қумсоатларнинг яна бир қизиқ жиҳати шуки, уларнинг ичидаги қум зарралари иссиқдан кўра совуқ ҳароратда тезроқ тўкилар экан.

Наргиза СИДДИҚОВА тайёрлади.



ТАБРИКЛАР, ЭЪЛОНЛАР

Қадрли Саидахон!

Сизни таваллуд айёмингизнинг 50 йиллиги билан қутлаймиз. Оллоҳ сизга фарзандларингиз бахтини кўриб, соғу саломат юришингизни насиб айласин. Бахтимизга ҳамиша омон бўлинг.

Ака-ука, опа-сингилларингиз, жиянларингиз номидан Сайёра. Юнусобод тумани.



Тошкент шаҳар Юнусобод туман ҳокимлиги томонидан 2010 йил 10 майда реестр №005749-10 рақами билан рўйхатдан ўтган "Хушнуд KROGER" хусусий корхона фаолияти тугатилмоқда. Барча шикоят ва аризалар 2 ой муддат ичида қабул қилинади.

Г.Р.Плеханов номли Россия иқтисодиёт академияси томонидан Юсупов Элбек Турғунжанович номига берилган бакалавр АВБ-0464872 19.05.08 йил ҳамда магистр ВМА-0023123 10.06.10 йил дипломлар йўқолганлиги сабабли БЕКОР ҚИЛИНАДИ.

Тошкент шаҳар Яккасарой туман 1-сонли давлат нотариал идораси томонидан 1998 йил 14 январда Мохаммад Айюб Гулом Сахи номига расмийлаштирилган Миробод туман Саид Барака кўчаси, 4-уй 11-хонадоннинг (реестр №8.306 Зиятов Б.Т.) олди-сотди шартномаси йўқолганлиги сабабли БЕКОР ҚИЛИНАДИ.

Тошкент Ахборот технологиялари университети томонидан Толипов Козим Кабулович номига берилган талабалик рейтинг дафтарчаси йўқолганлиги сабабли БЕКОР ҚИЛИНАДИ.

"Ота-онамининг ёлғиз фарзандиман. Болалигимдан мен учун барча шароит-имкониятлар етарли эди. Мактабда аъло баҳоларга ўқидим. Талабалик кезларим Рустам билан танишдим. У ота-онамга ҳам маъқул тушди. Ўқишни тугатган, тўйимиз бўлди. Биз жудаям бахтли эдик. Ота-онам биздан ёрдамчини сира аямасди. Лекин орадан уч-тўрт йил ўтса ҳамки, фарзандли бўлавермадик.

Онам эса "Қизим, мен ҳам 7 йилдан сўнг ҳомиладор бўлганман", дерди юпатиб. Ниҳоят, 30 ёшимда ҳомиладор бўлдим. Ўғилчамиз туғилди. Яқинларимнинг хурсандчиликдан бошлари осмонга етди. Бешиқ тўйи қилдик. Уйимизни чақалоқ овози бахтга тўлдириди. Лекин Рустам негариб бошқачароқ эди.

Тугруқхонага ҳам икки марта номигагина борди. Ўғлимиз олти ойлик бўлганида бизникига бола етаклаган бир нотаниш аёл келди. Эримнинг мен танимаган бирон қариндошидир-да, деб ўйлаб уни уйга тақлиф қилдим. Шунда ҳалиги аёл "Мен Рустамнинг хотиниман, бу унинг ўғли" деса бўладими. Бу гапни эшитиб, ҳушим бошимдан учди...

Анча гап-сўзлар, можаролар бўлди ва эрим ҳам уни тан олди. Не умидлар билан кўрган ўғлимни бағримга босиб йўғладим. Қайнота-қайнонам ўғилларини оқлаб, мендан норози бўлишди. Улар ҳам ўша гаплардан хабардор экан. Охири қонуний ажрашдик. Ёшим 33 да. Маълумотим олий. Ўғлим ҳозир уч ёшда. 40 ёшгача бўлган, олий маълумотли, диёнатли, ўғлимга оталик меҳрини бера оладиган инсон учраса, турмушга чиқмоқчиман.

ДИЛДОРА,
Тошкент вилояти".



"Бувам раҳматли ўзининг қуролдош ўртоғи Ҳақим ака билан қариндош, яъни қуда бўлиш орзусида эди. Уларга аммам унаштирилганди. Аммам автохалокат туфайли 17 ёшида дунёдан кўз юмган экан. Шундан сўнг ҳам Ҳақим аканинг уйимиздан қадами узилмабди. Мен вояга етгач, бувам дадамга "Ҳақимнинг қизи Ақида жуда ақлли, хушрўй, уни келин қилсак, нима дейсан", дедилар. Дадам "Ёшларнинг ўзлари нима деркин?" деб қўярди. Чунки дадам ҳамиша "Шу Ҳақим акани кўрсам, омам кўз ўнгимдан ўтаверади" деб ух тортарди. Энди бўлса яна қуда-андалди бўлишга ўйланиб қолганди. Мен эса Ақидани ёқтирардим. Икки ўт ичида қолдим. Бувамнинг қарори қатъий чикди. Тўйимиз бўлди. Ақида хушмуомалалиги, уй юмушларини бинойидек уддалаши билан ота-онамининг ҳурматини қозонди. Жудаям аҳил, тотув яшай бошладик. Фарзандларимиз туғилди. Мен оддий ишчи бўлсам-да, ҳар доим тоза, дазмолланган кийимда юрардим.

Уртоқларим ҳазиллашиб, хотининг сени қувётуралардек ясантириб қўяди, дерди. Фарзандларимизни кам қилмай вояга етказдик, уйлантирдик, узатдик. Ҳаммаси ўзларидан тинди. Энди оёқни узатиб, умргузаронлик қилай деганида у бедаво дардга йўлиқди. Минг афсуски, шу хасталик бир ой ичида уни орамиздан олиб кетди. Фарзандларим, келинларим, невараларим атрофимда парвона, иссиқ-совуғимдан хабар олиш-

ди. Барибир аёлнинг ўрни бўлакча экан. Ёшим 61 да. Оддий ишчиман. Нафақага чиққан бўлсам-да, ишлайман. Ёшимга мос, қадримга етадиган, фарзандлари ташвишидан қутулган ёки бефарзанд аёл учраса, хабар берсангиз.

НОСИР ака, Тошкент шаҳри".

"Педагогика институтини битиргач, йўлланма билан тоғли қишлоққа ўқитувчи бўлиб бордим. Шу мактабда, бошланғич синфни ўқитаётган Гуллойим исмли қизни севиб қолдим. У мактаб директорининг жияни эди. Бу гапдан хабар топган директор мени арзимаган баҳона билан ишдан бўшатиб, қишлоқдан ҳайдаб солди. Севгим учун астойдил курашдим. Ота-онам Гуллойимларникига қайта-қайта совчиликка боришди. Ниҳоят ниятимиз етдим. Тўйимизда келиннинг тоғасига сўз беришди. У киши "Ботир исмига монанд экан. Севгиси йўлида ботирларча мардлик кўрсатди", деди.

Бизлар жуда бахтли яшайётгандик. Онам келинининг уй юмушларини бажаришидан кўнгли тўқ эди. Отам рўзгор харажатларини у билан маслаҳатлашарди. Кетма-кет фарзандларимиз туғилди. Менинг ҳам ишларим юришиб кетди. Йиллар ўтди. Ота-онам 90 ёшларни қоралаб, қазо қилишди. Мен эса Гуллойимга суяниб қолдим. Ўғилларимизни уйлантириб, қизларимизни узатдик. Эндигина фарзандларимиз хузуур-ҳаловатини кўраётганимизда...

кутилмаган дард туфайли аёлим дунёдан ўтиб қолди. На илож, ёлғизликнинг ҳам ўзига яраша азоблари кўп экан. Мен билан бирга турадиган келинимнинг қош-қовоғига қараб яшашим осон кечмаяпти. Ўғлимга сездиргим келмайди, нега десангиз унинг жahlи тез ва хотинини ҳайдаб юборишдан ҳам қайтмайди. Ёшим 60 да. 55 ёшгача бўлган, қадримга етадиган, меҳрибон, оқила аёл учраса, хабар берсангиз.

МУРОД ака, Сурхондарё вилояти".

"Беш фарзанд кўриб, учтасини тупроққа бердик. Отаси бу айрилиқни кўтаролмай, 47 ёшида қазо қилди. Юрагим қуйиб, кўз устида авайлаганим шу ўғил-қизим бўлди. Уларни оқ ювиб, оқ тараб, зориқтирмай, ҳеч кимдан кам қилмай вояга етказдим. Ўғлим институтни тугатган, яхши қўриб қолган курсдошига уйланди. Қизим Гулбаҳор кўнглимдагидай оқила, таниган-билган ҳавас қиладиган бўлиб бўйи етди. Совчилар кела бошлади. Шу орада ўғлим билан хотини ўртасида совуқ гап ора-

лаб, келишолмай қолишди. Жон болам, синглингни узатгунча тишингни-тишинга бос, сени деб унинг бахти боғланмасин, дедим. У "Онажон, келиннингиз ҳар қандай оғир касалликка чалинган бўлсаям кечирардим, лекин хиёнатини кечиролмайман", деди. Улар қонуний ажрашишди. Шундан сўнг аёл қудам ва келиним қизимнинг шаънига бўлмағур гапларни тўқиб тарқатди. Оқибатда қизимни сўраб келгувчилар бир келарди-ю, кейин қайтиб қорасини кўрсатмасди. Ҳеч бир она фарзандлари дардида қуймасин экан. Шундай кунларнинг бирида қўлида "Оила ва ҳамият" газетасини кўтарганча олам уйимизга кириб келди. Кейин тахририятга умид билан хат ёздик ва Гулбаҳорнинг ҳужжатларини қўшиб, телефон рақамини ёзиб жўнатдик. Қўп ўтмай газетадагилар бизга Жўрабек деган андижонлик йигит ҳақида маълумот беришди. Иккаласи учрашишди. Бизга ҳам маъқул бўлди.

Жўрабекнинг онаси олти ой бурун қазо қилган экан. Маросимларини ўтказишгач, рисоладагидек тўй қилдик. Ҳозир қизим ният қилганимдек бахтли яшаяпти. Худого минг қатла шукур, яқинда неварали бўламан. Сизларни ҳар доим дуо қиламан.

ОЙСУЛУВ хола,
Наманган вилояти".

ТАХРИРИЯТДАН:

"Бахтли бўлинг" рукнига хат йўллаётган ёки бевосита мурожаат қилаётган фуқаролар паспорт нусхаси ва яшаш жойидан (маҳалла кўмитасидан) маълумотнома тақдим этишлари шарт. Шунингдек, ажрашганлар бўлса, суд қарорининг нусхасини топширишлари талаб этилади.

МУРОЖААТ УЧУН ТЕЛЕФОН: 234-25-46

АКС САДО

Газетамизнинг 23 февраль — 8-сонида «Тиббий кўриқдан кўркманг!» мақоласи эълон қилинган эди. Бир ҳафта мобайнида тахририятимизга узоқ-яқиндан кўнгиноқлар бўлди, ўнлаб хатлар келди, кўтарилган муаммога турли хил фикр-мулоҳазалар билдирилди. Юртдошларимизнинг кўпчилиги мақола айти вақтида ёзилганини таъкидлаб, муаммонинг муаллиф эътиборидан четда қолган жиҳатлари ҳақида ҳам тўхталиб ўтишган. Бугун биз ана шундай мактублардан бирини эътиборингизга ҳавола этамиз.

«Тиббий кўриқдан кўркманг!» мақоласини ўқияман-у, кўтарилган муаммога нисбатан кўнглимда жуда кўп фикрлар туғила бошлади. Мутолаани якунига етказмасимдан унга ёзма муносабат билдириш истаги туғилди. Ҳозир энди оила кураётганлар ёки ёш оилалар тиббий кўрик масаласига албатта тўқнаш келади. Кўплар бундан мамнун ҳам бўлишади, айримлар эса...

Менинг ёшим 25 да, турмушга чиққанамга тўрт ой бўлди. Икки томоннинг розилиги билан ФХДЁ идорасига ариза топширганимизда тиббий кўриқдан ўтиш учун йўлланма беришди. Биз тўйдан олдин бўлғуси ҳўжайиним билан икки йилча кўришиб юрдик, яъни анча синашга эдик. Шунга қарамай, аввал-аввалдан оиламизни ёлгон асосига қурмаймиз, барчасини қонуний равишда ҳал этамиз деб ўйладик. Бир туманда яшаганимиз боис, иккимиз ҳам бир поликлиникада тиббий кўриқдан ўтишимиз керак эди. Шифохонадаги ҳар бир эшикка бепул хизмат кўрсатилиши қайд этиб қўйилганди, аммо... ичкаридагилар уялмай-нетмай, биздан пул сўрашар, тиббий кўриқдан ўтиш текин-ку, десак, энсанини қотириб муомала қилишар ёки маълумотномани беришдан бош тортишарди. Кўп қатори дедик-да, уларга ён беришга мажбур бўлдик.

Ҳаммасидан ҳам ёмони,

Кўриқдан ҳаққоний ўтмоқчи эдик...

наркологияда юз берди. 6-қаватга кўтарилиб, айтилган хонага киргандик, шифокор эркак «Келинпошша, сиз чиқиб туринг», деди. Мени текшириб ҳам кўрмаганига ҳайрон бўлиб коридорга чиқдим. Ичкарида бўлган воқеаларни кейинроқ эшитиб ёқа ушладим:

— Шифокор иккимиз ёлғиз қолгач, «Кўёвбола, ҳеч хавотир олмаг, «справка»ни «законий» қилиб ёзиб бераман, фалон пул тўлови бор. Янаёқ ўзингиз биласиз, лаборатория текширувлари... дегандай, кўп оворга қилиб қўйишимиз мумкин, вақтингизни ҳам йўқотасиз», деди. Тиббий кўриқдан ҳаққоний ўтишимни айтсам, бор-йўғи билагимдаги



вена томирларимни кўрди-да, «Справка»ни бир ҳафтадан кейин олиб кетасиз», деди норози оҳангда. Мураккаб-роқ текширув бўлса ҳам, майлига, жавобини кутамиз-да, дедим. Шунчаки томига қараб, «билиб олган маълумот»ларини бир ҳафта таҳлил қиладими? Етти кундан сўнг яна келиб-кетишимни ўйласам, йўқотадиган вақт, йўлқира... кўпга тушар эканман. Сал ён бердим, «шифокор» ҳам шунга мойиллик билдирди, чўнтагимдагининг бориға барака қиладиган бўлди. Дўхтирмадўхтир юриб, бу ерга атиги тўрт минг сўм билан етиб келган эканман. «Шифокор»нинг бошқа иложи қолмаган эди... — дея вазиятни тушунтирганди бўлажак турмуш ўртоғим.

Яхшиямки, бепул тиббий кўрик бепул эмаслигини, ўн минглаб сарфла-

ётганимизни айтганим учун онам ҳар эҳтимолга қарши менга ҳам бир-икки сўм бериб қўйган эди. Шу пул билан амаллаб уйга етиб олдик. Аммо биз жуда хурсанд эдик, барча югур-югурлар, бошоғриқлар ортда қолди-да. Тиббий маълумотномаларни олиб бориб, ФХДЁда қонуний никоҳдан ўтдик ва бир йўла ишни битириб кетайлик деб гувоҳларимиз билан бирга масжидга йўл олдик. Бу ердаги ҳолатдан ҳам ёқа ушлашга мажбурсан киши. Домла шаръий никоҳ ўқиб бўлгач, мен ва гувоҳларга жавоб бериб юбориб, кўёвнинг бир ўзини олиб қолди. Турмуш ўртоғим бироз ўтгач, оғайиларини чакирди-да, у билан нималарнидир гаплаша кетди. Ҳеч ким ёнида бунча пул йўқлигини айтарди. Ҳамма чўнтагини қоқиштирганда ҳам 50 минг сўм чиқмади. Кейин тушунишимча, домла 50 минг сўраган, қандайдир сертификатни олишга мажбурлигимиз, бусиз шаръий никоҳимиз тасдиқланмаслигини айтган экан. Унга шаръий никоҳ Оллоҳнинг олдидagi фарзлиги, бунга ҳеч қандай сертификатнинг кераги йўқлигини айтишса, ҳеч бўлмаса, 30 минг ташлаб кетингллар, акс ҳолда, ўзларингдан кўрингллар, фамилияларини ёзиб олганман-а, дермиш. Афсуски, энди оила кураётган, тўй арафасида турган ёшлар учун бу ҳам жуда катта маблағ ҳисобланади. Кўёв жўрлар айтилган пулни албатта олиб келиб беришларини ваъда қилиб қутулибди. Тўйимиз ҳам бўлиб ўтди, билмадик, тўғри қилдикми-йўқми, ноинсоф домланинг олдиға қайтиб бормадик...

Афсуски, орамизда ана шундай нафси ҳақалак отган ноинсоф кимсалар учраб туради. Одамлар уларнинг таъсирига тушиб, алданиб қолмаслиги учун ана шундай жиддий мақолалар бериб боришларингизни сўраймиз. Зеро, давлатимиз томонидан яратилган имкониятлар, берилган имтиёزلарни бундайлар ўзларининг шахсий манфаатлари йўлида сунистеъмол қилмасин.

ШАҲЛО,
Тошкент шахри".

САВОЛ-ЖАВОБ

Зарар қопланиши шарт

Бир дўкон сотиб олгандим, унинг собиқ эгаси келишилган пулни олди-ю, кўчмас мулкка эғалик ҳуқуқининг менга ўтганини расмийлаштиришга келганда ишни пайсалга сола бошлади. Табиийки, биз савдо мажмуасидан ҳам фойдалана олмадик. Бу орада дўкон орқали сотишим керак бўлган икки тонна қишлоқ ҳўжалиги маҳсулоти чириб кетди. Менинг бу муаммом қонунчилигимизда қандай ҳал этилади?

Ш. Аъзамов,
Олмазор тумани.

— Кўчмас мулк деганда ер участкаси, бино, иншоот ва уй тушунилади. Сотиб шартномасига биноан кўчмас мулкка бўлган ҳуқуқнинг сотиб олувчига ўтгани давлат рўйхатидан ўтказилиши лозим. Агар тарафлардан бири бундан бўйин товласа, суд мулк ҳуқуқи бошқа шахсга ўтганини давлат рўйхатидан ўтказиш тўғрисида қарор чиқаришга ҳақли. Бунда асоссиз равишда бўйин товлётган тараф рўйхатдан ўтказиш чеккачини туфайли иккинчи томони кўрган зарарни қоплаши шарт.

Саволға Ҳамза тумани 1-сонли давлат нотариал идораси нотариуси
Солмаз ГАФАРОВА жавоб берди.

Битим қонуний ҳисобланмайдими

Укам ақлий ривожланишдан орқада қолган. Ҳозир гарчи 33 ёшдаги оилали эркак бўлса-да, ҳалиям болаларча фикрлайди. Яқинда отамиз вафот этиб, бошқа фарзандлар қатори унга ҳам икки хонали уй мерос қолган эди. Биз беҳабар қолибмиз, бир танишимиз укам билан олди-сотди шартномаси тузиб, уйини алдаб олиб қўйибди. Бундай вазиятда битим ҳақиқий ҳисобланадими?

Л. Асқарова,
Юнусобод тумани.

— Қонун ҳужжатларининг талабларига мувофиқ келмайдиган мазмундаги, жумладан, ҳуқуқ-тартибот ёки ахлоқ асосларига атайин қарши мақсадда, вояга етмаган шахслар, яъни ўн тўрт ёшдан ўн саккиз ёшга қадар бўлган шахслар, муомалага лаёқатсиз деб топилган фуқаролар, муомала лаёқати чекланган, ўз ҳаракатларининг аҳамиятини тушуна олмайдиган ёки ўзини бошқара олмайдиган ҳолатда бўлган фуқаролар томонидан, янглишиш таъсирида, алдаш, зўрлаш, қўрқитиш, қалбакилик, кўзбўямачилик ва бошқа шу каби ҳолатларда тузилган битимлар ҳақиқий эмас деб топилди.

Саволға Юнусобод тумани 4-сонли давлат нотариал идораси нотариуси
Валентина ОВСЯННИКОВА жавоб берди.

СПОРТ

Эрматов Саудия Арабистонида,

Коваленко эса Эронда

1-2 март кунлари Осиё Чемпионлар лигасининг гуруҳ баҳслари 1-тур учрашувларини бошқариб борадиган ҳакамлар рўйхати эълон қилинди. Ҳамюртимиз Равшан Эрматов ёрдамчилари Абдулхамидулло Расулов ва Баходир Қўчқоровлар Саудия Арабистонида «Ал Хилол» ва «Ал Жазира» клублари ўртасида бўлиб ўтадиган учрашувини бошқариши маълум бўлди. Шунингдек, Валентин Коваленко ҳам ёрдамчилари Рафаэль Илёсов ва Маъмур Саидқосимовлар билан бирга Эронда «Зоб Охан» ва «Амирликлар» жамоалари ўртасида кечадагидан учрашувда ҳакамлик қиладилар.

Влада Экшибарова кумуш медаль соҳиби

Ҳиндистонда хотин-қизлар ўртасида ўтказилган «Мумбай – 2011» халқаро турнирида ҳамюртимиз Влада Экшибарова яқалик баҳсларида муваффақиятли катнашди.

Турнирнинг асосий учрашувларида Жанубий Кореядан келган Су Ёнг Янгни 6:4, 7:6, мезбон теннисчи Шивика Бурманни 6:1, 6:0 ҳисобида мағлубиятга учратган истеъдодли теннисчимиз чорак финалда хитойлик Шаожуо Лиунни 6:0, 6:4, ярим финал учрашувида таиландлик Ниша Лертпитаксинчани 6:4, 3:6, 7:5 ҳисобида доғда қолдирди. Хал қилувчи баҳсда таиландлик Варатчая Вонгтенчаига 6:2, 4:6, 1:6 ҳисобида имкониятни бой берган Влада иккинчи ўринга сазовор бўлди.

В.Экшибарова ўтган ҳафтада «Аурагабад – 2011» халқаро турнирида бош совринни кўлга киритган эди.

Ушу. Қозоғистонда ёшлар ўртасида ўтказилган халқаро турнирда терма жамоамиз аъзолари тўққиз медални кўлга киритди. Ҳамюртларимиздан Мақсуд Баходиров, Дмитрий Ким шоҳсупанинг энг юқори поғонасидан жой олди. Самандар Тўхтамурадов ва Максис Кан кумуш медални кўлга киритган бўлса, Арсен Карташова бронза медалга насиб этди. Қизлар ўртасидаги баҳсларда Комила Гофурова, Алина Шагиева олтин, Азиза Алимова кумуш ва Дилноза Латипова бронза медал билан тақдирланди.

Клубларимиз курашга қўшилди



Кеча пойтахтимизнинг «Пахтакор» жамоаси Осиё Чемпионлар лигасининг 1-турида Саудия Арабистонининг «Ал Наср» клубини қабул қилди.

Қаршининг «Насаф» клуби эса ОФК кубогининг 1-турида Ливаннинг «Ал-Ансор» жамоасини қабул қилди. Бугун эса Қашқадарёнинг яна бир жамоаси «Шўртан» эса сафарда Қувейтнинг «Ал Қодисия» клуби меҳмони бўлади.

Интернет манбалари асосида
Илхом ЖУМАНОВ тайёрлади.

Муассислар: Ўзбекистон Хотин-қизлар қўмитаси, «Болалар ва оилаларни қўллаб-қувватлаш» ассоциацияси (Болалар жамғармаси) ва «Соғлом авлод учун» халқаро жамғармаси

Бош муҳаррир: Норқобил ЖАЛИЛОВ

Қабулхона: (тел/факс) 233-28-20
Мухбирлар: 233-04-50
Котибият: 237-21-82
«Оила» бўлими: 234-25-46

МАНЗИЛИМИЗ:
Тошкент – 700000
Амир Темури кўчаси,
1-тор кўча, 2-уй
Мўлжал: Олой
бозори ёнида

ОБУНА ИНДЕКСИ – 176

Ўзбекистон Матбуот ва ахборот агентлигида 0169-рақам билан 11.01.07да рўйхатга олинган. Буюртма Г – 332. Формати А–3, ҳажми 2 табак. Адади – 11618. Навбатчи муҳаррир — Фаруҳ ЖАБОРОВ
Саҳифаловчи — Оқил РАҲМОНОВ
Мусаххихлар — Саидғани САЙДАЛИНОВ,
Мафтуна МИНГБОЕВА

ISSN 2010-7609

1 2 3 5

Тахририятга келган кўлөзмалар муаллифларга қайтарилмайдими.
Реклама материаллари учун тахририят жавобгар эмас.

«Шарк» нашриёт-матбаа акциядорлик компанияси босмахонасида чоп этилди.
Тошкент, Буюк Турон кўчаси, 41-уй.
Босишга топшириш вақти – 15:00
Босишга топширилди – 15:00

E-mail: oilavajamiyat@sarkor.uz

Web-site: oilavajamiyat.uz